



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u novembru 2023. godine




Monetarna kretanja u novembru 2023. Godine

Ukupna novčana masa (M2) na kraju novembra 2023. godine iznosila je 35,22 milijarde KM. U odnosu na prethodni mjesec, registriran je porast novčane mase za 36,2 miliona KM (0,1%). Porast novčane mase (M2) u novembru 2023. godine rezultat je povećanja novca (M1) za 43,7 miliona KM (0,2%) i smanjenja kvazinovca (QM) za 7,5 miliona KM (0,1%). Prenosivi depoziti u domaćoj valuti su povećani za 92,9 miliona KM (0,6%), dok je gotovina izvan banaka smanjena za 49,2 miliona KM (0,8%), što je rezultiralo povećanjem novca (M1). Kvazinovac (QM) je smanjen uslijed smanjenja ostalih depozita u domaćoj valuti za 6,3 miliona KM (0,2%) i ostalih depozita u stranoj valuti za 19,4 miliona KM (0,3%), dok su prenosivi depoziti u stranoj valuti povećani za 18,1 milion KM (0,4%).

Na godišnjem nivou, porast novčane mase (M2) u novembru 2023. godine iznosio je 2,4 milijarde KM (7,3%). Rast je ostvaren kod gotovine izvan banaka za 332,3 miliona KM (5,6%), kod prenosivih depozita u domaćoj valuti za 1,42 milijarde KM (10,6%), prenosivih depozita u stranoj valuti za 447 miliona KM (12,4%), ostalih depozita u domaćoj valuti za 22,1 milion KM (0,8%) i kod ostalih depozita u stranoj valuti za 175 miliona KM (2,5%).

Monetarni agregati



Protivstavka povećanju novčane mase (M2) na mjesečnom nivou u novembru 2023. godine u iznosu od 36,2 miliona KM (0,1%) je smanjenje neto strane aktive (NSA) za 111,3 miliona KM (0,5%) i povećanje neto domaće aktive (NDA) za 147,5 miliona KM (1,0%). Porast novčane mase (M2) na godišnjem nivou od 2,4 milijarde KM (7,3%), rezultat je porasta neto strane aktive (NSA) za 1,3 milijarde KM (6,8%) i neto domaće aktive (NDA) za 1,1 milijardu KM (8,0%).

Monetarni pregled

	Stanje u mil. KM XI 2023	Mjesečne promjene u mil. KM			Godišnje stope rasta u %		
		IX 2023	X 2023	XI 2023	IX 2023	X 2023	XI 2023
Aktiva							
1. Neto strana aktiva	20.336,3	- 5,9	137,5	- 111,3	5,4	4,8	6,8
1.1. Strana aktiva	21.793,6	- 24,8	130,7	- 106,8	3,5	3,0	4,5
1.2. Strana pasiva	- 1.457,3	18,9	6,8	- 4,5	- 17,2	- 17,2	- 20,0
2. Neto domaća aktiva	14.883,9	146,9	- 79,7	147,5	10,2	10,8	8,0
2.1. Potraživanja od centralne vlade (neto), kantona i općina	635,2	11,9	11,4	115,3	- 359,8	- 313,7	192,9
2.2. Potraživanja od domaćih sektora	22.338,4	184,7	103,9	100,6	6,3	6,3	6,7
2.3. Ostale stavke	- 8.089,7	- 49,7	- 195,0	- 68,4	9,0	8,7	9,7
Pasiva							
1. Novčana masa (M2)	35.220,2	141,0	57,8	36,2	7,4	7,2	7,3
1.1. Novac (M1)	21.148,6	38,1	- 80,5	43,7	9,1	9,2	9,0
1.2. Kvazinovac (QM)	14.071,6	103,0	138,2	- 7,5	4,9	4,4	4,8

Kreditni

Ukupni krediti domaćim sektorima na kraju novembra 2023. godine iznosili su 23,3 milijarde KM. U odnosu na prethodni mjesec, zabilježeno je povećanje kredita od 113,8 miliona KM (0,5%). Kreditni rast registriran je kod sektora stanovništva za 59,4 miliona KM (0,5%), kod privatnih poduzeća za 58,4 miliona KM (0,6%) i kod nefinansijskih javnih poduzeća za 2,8 miliona KM (0,5%). Smanjenje kreditnog rasta registrirano je kod vladinih institucija za 1,7 miliona KM (0,2%) i kod ostalih domaćih sektora za 5 miliona KM (2,2%).

Godišnja stopa rasta ukupnih kredita u novembru 2023. godine iznosila je 6,1%, nominalno 1,33 milijarde KM. Godišnji rast kredita registriran je kod sektora stanovništva za 810,4 miliona KM (7,4%), kod privatnih poduzeća za 483,4 miliona KM (5,3%), nefinansijskih javnih poduzeća za 18,8 miliona KM (3,2%) i kod ostalih domaćih sektora za 54,3 miliona KM (32,9%). Smanjenje kreditnog rasta na godišnjem nivou registrirano je kod vladinih institucija za 32,9 miliona KM (2,9%).

Sektorska struktura kredita

	Stanje u mil. KM XI 2023	Mjesečne promjene u mil. KM			Godišnje stope promjene u %		
		IX 2023	X 2023	XI 2023	IX 2023	X 2023	XI 2023
Ukupno	23.300,7	170,1	158,3	113,8	5,4	5,7	6,1
Od toga:							
Stanovništvo	11.765,8	79,2	90,1	59,4	6,5	7,0	7,4
Privatna poduzeća	9.623,0	111,1	- 5,8	58,4	5,2	4,8	5,3
Vladine institucije	1.092,2	- 20,1	72,4	- 1,7	- 10,0	- 3,2	- 2,9
Javna poduzeća	600,6	- 1,3	2,9	2,8	11,7	4,9	3,2
Kreditni ostalim domaćim sektorima	219,0	1,2	- 1,4	- 5,0	26,0	28,7	32,9

Depoziti

Ukupni depoziti domaćih sektora na kraju novembra 2023. godine iznosili su 30,94 milijarde KM. U odnosu na prethodni mjesec, depoziti su povećani za 49,1 milion KM (0,2%). Rast depozita na mjesečnom nivou registriran je kod sektora stanovništva za 8,9 miliona KM (0,1%) i kod privatnih poduzeća za 125,8 miliona KM (1,8%). Depoziti su smanjeni kod nefinansijskih javnih poduzeća za 1,8 miliona KM (0,1%), kod vladinih institucija za 70,5 miliona KM (1,5%) i kod ostalih domaćih sektora za 13,3 miliona KM (0,7%).

Godišnja stopa rasta ukupnih depozita u novembru 2023. godine iznosila je 7,7%, što je u apsolutnom iznosu 2,2 milijarde KM. Godišnji rast depozita registriran je kod sektora stanovništva za 1,4 milijarde KM (9,8%), kod privatnih poduzeća za 1,02 milijarde KM (17,0%) i kod vladinih institucija za 7 miliona KM (0,2%). Depoziti su na godišnjem nivou smanjeni kod nefinansijskih javnih poduzeća za 49,1 milion KM (2,5%) i kod ostalih domaćih sektora za 174 miliona KM (8,8%).

Sektorska struktura depozita

	Stanje u mil. KM XI 2023	Mjesečne promjene u mil. KM			Godišnje stope promjene u %		
		IX 2023	X 2023	XI 2023	IX 2023	X 2023	XI 2023
Ukupno	30.937,5	151,7	227,7	49,1	6,9	7,0	7,7
Od toga:							
Stanovništvo	15.675,0	88,8	151,3	8,9	9,1	10,0	9,8
Privatna poduzeća	7.042,1	68,9	35,4	125,8	17,1	14,8	17,0
Vladine institucije	4.494,4	28,7	25,7	- 70,5	- 3,9	- 4,3	0,2
Javna poduzeća	1.923,4	- 26,1	42,7	- 1,8	- 5,0	- 2,0	- 2,5
Depoziti ostalih domaćih sektora	1.802,6	- 8,6	- 27,3	- 13,3	- 2,2	- 3,3	- 8,8

Devizne rezerve

Devizne rezerve Centralne banke BiH na kraju novembra 2023. godine iznosile su 15,68 milijardi KM.